

Kinadalus ti Dayaw





Ay-ayatennaka ti Nailangitan nga Amam ken kayatna nga agragsakka ita ken iti agnanayon. Nangted iti balakad ken bilbilin babaen kadagiti propetana tapno matulonganka. Maysa a bilin a napateg unay iti talna ken ragsakmo ket ti bilinna maipanggep iti seksual a kinatarnaw, a maawagan iti linteg ti kinadalus iti dayaw. Inrugi ti Apo daytoy a linteg manipud idi punganay, ken inyunay-unayna ti kinapateg daytoy ken ni Propeta Joseph Smith kas paset ti Pannakaisubli ti ebanghelio ni Jesucristo. Ti panagtungpal iti daytoy a bilin ket naidawat a kasapulan para iti panagbuniag iti Ti Simbaan ni Jesucristo dagiti Santo iti Ud-udina nga Aldaw.

Ania ti Linteg ti Kinadalus ti Dayaw?


Ti panagdekket iti bagi dagiti agassawa ket napintas ken sagrado a paset ti plano ti Dios para kadagiti annakna. Maysa daytoy a panangipeksa iti ayat iti ikub ti kallaysa ken mangipalubos iti agassawa a makiramam iti panagparsua iti biag. Imbilin ti Dios a maipeksa laeng

Ti linteg ti kinadalus ti dayaw ket agkasapulan a dagiti pannakinaig iti seks ket mailatang laeng para iti panagasawa ti maysa a lalaki ken maysa a babai.

daytoy sagrado a pannakabalin iti nagbaetan ti maysa a lalaki ken maysa a babai a legal a nagkallaysa. Mayaplikar ti linteg ti kinadalus ti dayaw kadagiti agpada a lallaki ken babbai. Iraman ti kinadalus ti dayaw ti naiget a saan a pannakinaig iti seks sakbay ti panagkallaysa ken naan-anay a kinapudno iti asawa kalpasan ti panagkallaysa.

Kas mainayon iti panangilatang iti seksual a panagdekket para iti panagasawa, tungpalentayo ti linteg ti kinadalus ti dayaw babaen ti panangtengngel kadagiti panunot, balikas, ken tignaytayo. Insuro ni Jesucristo: “Nangngegyo a naisao, Dika makiabig iti saanmo nga asawa: ngem siak kunak kadakayo, Nga uray siasino a mangmatmat iti maysa a babai tapno gartemanna, nakiabigen kenkuana iti pusona” (Mateo 5:27–28).





Apay a Nasken nga Agtungpalak iti Linteg ti Kinadalus ti Dayaw?

Inted ti Nailangitan nga Amam ti linteg ti kinadalus ti dayaw tapno masaluadan ken mabendisionanka. Kas iti amin a sagrado a banag, nasken a maipeksa ti panagdekket iti bagi a mayannurot iti panangiturong ti Apo. Bayat iti panagtungpalmo iti linteg ti kinadalus ti dayaw, masagrapmonto ti ragsak, talna, ken respeto iti bagi. Masagrapmonto ti panagtalek kadagiti pannakilangenmo iti pamiliam, ken mabendisionankanto iti panagteppel iti bagi. Masagrapmonto dagiti bendision ti ebanghelio ni Jesucristo babaen ti impluwensia ti Espiritu Santo.

Iturong ni Satanas dagiti tao tapno mamatida a ti seksual a panagdekket iti ruar ti kallaysa ket maaw-awat ken tartarigagayan. Ngem nadagsen a basol daytoy; kanayon nga insuro ti Dios kadagiti annakna nga agbalinda a nainsagudayan ken natarnaw (kitaen iti Exodo 20:14 ken Alma 39:3–5). Agnanayon daytoy a pagbatayan.

Ti pananglabsing iti linteg ti kinadalus ti dayaw ket panangabusu iti pannakabalin nga inted ti Dios nga agparsua

Bayat ti panagtulnogmo iti linteg ti kinadalus ti dayaw, sika ket:

- *Awisemto ti Espiritu Santo iti biagmo.*
- *Padur-asemto ti dakdakkal a respeto iti bagim bayat ti panangaramatmo iti panagteppel iti bagi.*
- *Addaankanto iti dakdakkal a panagtalek kadagiti pannakilangenmo.*
- *Ad-adda nga ayatemto dagiti adda iti aglawlawmo.*

iti biag; mangipakita daytoy iti saan a panangikankano Kenkuana ken kadagiti annakna. Daytoy ti managpakapsut iti kinaespirituan ken masansan nga agbanag iti kinapait, panagladingit, panagsina, panagsakit, ken panagparegreg iti sikog. Dagiti manglabsing iti daytoy a linteg ket maipasangoda iti dakdakkal nga impluwensia ni Santanas. Kasta met a sidadagsen nga aringan pay daytoy a basol dagiti miembro ti familia ken dagiti dadduma pay.

Kasano nga Agtungpalak iti Linteg ti Kinadalus ti Dayaw?

Idawat ti Apo a kasapulan ti nangato a pagrukodan ti dayaw dagiti annakna. Tapno matungpal ti linteg ti kinadalus ti dayaw, nasken a sukatam dagiti saan a maikari

a pampanunot, balikas, ken tignay kadagiti nasayaat. Makatulongto dagiti sumaganad a pagbatayan:

Pampanunot. Dagiti positibo ken makaitandudo a pampanunot ket mangpapanaw kadagiti negatibo wenno dakes a pampanunot iti biagmo. Bayat ti panangpunnom iti biagmo kadagiti nasayaat a pampanunot ket ar-aramid, dumuraskanto iti kabaelam a mangsukat

ken mangpampek kadagiti negatibo a pampanunot. Ti panagbasam kadagiti nasantuan a kasuratan, panagserbim iti pamiliam, panagtrabohom a sipapasnek, ken

*“Taraonan koma
ti saguday ti
pampanunotmo nga
awan ressatna; sa
kalpasanna mapapigsa
ti panagtalekmo iti
imatang ti Dios.”*

DKK 121:45





pannakiramanmo kadagiti nasayaat nga aramiden iti panagaliwaksay ket makatulongo kenka a mangtengngel kadagiti pampanunotmo.

Liklikam ti pornograpia iti amin a kita. Makairuam ken makadadael daytoy. Daytoyto ti mangtakaw kenka iti respetom iti bagim ken iti panangbigbigmo iti pateg dagiti kinapintas ti biag. Saanmo a palugodan ti isipmo nga agpanunot kadagiti naalas wenno dakes a pampanunot wenno ladawan. Saanka nga agbuya, agbasa, wenno dumngeg iti ania man a banag a mangiparang wenno mangiladawan iti bagi ti tao wenno iti seksual a galad iti saan a naraeman a wagas. Liklikam ti mangmatmat iti dadduma nga addaan kadagiti nagarteman a pampanunot, ken liklikam dagiti makaisingasing wenno nabutaktak a pelikula, pabuya iti television, Internet site, musika, libro, magasin, ken aktibidad.

Dagiti balikas. Dagiti balikasmo koma ti mangpapigsa kadagiti dadduma ken mangpatibker kadakuada.

Ikkatem dagiti makaibaba iti dayaw, bulgar, ken seksual ti pannakaibutaktakna a balikas, ang-angaw, ken tema kadagiti pannakisarsaritam.

Dagiti tignay. Kanayon a tratuem dagiti dadduma nga addaan iti respeto. Agbalinka a disente iti panagkawesmo. No laglagipem nga anak ti Dios ti tunggal tao, ken no aramidem ti amin a kabaelam a mangtulong kadagiti dadduma a mangsuot iti planona, kalpasanna mapapigsakanto iti tarigagaymo nga agtungpal iti linteg ti kinadalus ti dayaw.

Ikeddengmo itan a saankanto nga agaramid iti ania man a banag iti ruar ti kallaysa a mangparugso kadagiti nabileg a rikna a nasken a maipeksa laeng iti panagasawa. Saanmo a parugsuen dagita a rikna iti sabali pay a tao wenno iti mismo a bagim. Saanka a makiraman kadagiti aramid a homoseksual wenno kinalakien wenno dad-duma pay a naalas wenno imoral nga aktibidad. Sukatam dagiti aktibidad a mabalín a pakasulisogam a manglab-sing iti linteg ti kinadaluṣ ti dayaw kadagiti positibo ken makaitandudo nga aktibidad ken paggugusto a pagpalab-san iti oras. Iti panagasawa, agtalinaedka a naan-anay a napudno iti asawam iti panunot ken tignay.

Gapu ta ti panagtulnog iti linteg ti kinadaluṣ ti dayaw ket ad-adda a mangyasidegto kenka iti Dios, sulisogen-nakanto ni Satanas a mangsalungasing iti daytoy a bilin. Ammona no malidlidayan, matiktikaw, wenno aglad-ladingitka, ket sulisogennakanto no nakapsutka. Agkararagka iti Nailangitan nga Amam para iti tulong, ket itednanto kenka ti pigsa a mangkedked iti pannulisog (kitaen iti 1 Taga Corinto 10:13). Bayat ti panagpannu-raymo Kenkuana ken panangsurotmo kadagitoy a pagba-tayan, kabaelamto a parmeken ti pannulisog.

Dagiti Bendision ti Panagtulnog iti Linteg ti Kinadaluṣ ti Dayaw

Bayat ti panagtulnogmo iti linteg ti kinadaluṣ ti dayaw, agbalinkanto nga ad-adda a nakasagana iti impluwensia ti Espiritu Santo. Addaanka iti pannarabay ti Espiritu



*Ania man ti
naaramidmo iti
napalabas, sidadaan
a magun-odmo dagiti
nain-indaklan a
bendision no irugim itan
ti agtulnog iti linteg ti
kinadalus ti dayaw.*

Santo, padur-asepto ti dakdakkell a sirib, sanguemto dagiti pannubok nga addaan iti dakdakkell a kinatured, riknaemto ti tulong ken pangiturong ti Dios iti biagmo, ken agbalinkanto a maysa a pagwadan iti pamilyam ken kadagiti dadduma pay. Ti ayat nga adda kenka para iti asawam ken kadagiti ipatpategmo ket agbalinto a naun-uneg, nabakbaknang,

ken napnapnuan iti kaipapananna. Mapadasamto ti dakdakkell a talna ti panunot.

Kadagiti nasantuan a kasuratan masursurotayo a ti pudno a ragsak ket aggapu iti panagtungpal kadagiti bilin ti Dios (kitaen iti Mosiah 2:41) ken “saan a mabalin a pagragsakan ti kinadangkes” (Alma 41:10).

No linabsingmon ti linteg ti kinadalus ti dayaw, inaramiden ti Dios a mabalinmo ti agbabawi ken agbalinka manen a nadalus. Agbabawika itan kadagiti ania man a napalabas a naglabsingam, ken agkumitka nga agtulnog iti daytoy sagrado a linteg. Babaen iti Pannubbot ni Jesucristo ken ti pudno a panagbabawi, mapakawanka ken mariknam ti talna.

MAINAYON A PANAGADAL

Dagiti sumaganad a saludsod ken nasantuan a kasuratan ket makatulungto kenka nga agsursuro iti ad-adu pay maipapan kadagiti pagbatayan iti daytoy a polieto. Dagiti listababa [footnote] ken cross reference kadagiti nasantuan a kasuratan ket mangitudodanto kenka kadagiti mainayon a binatog ken pagadawan maipapan kadagitoy a pagbatayan.

Ania ti kayat a sawen ti agtungpal iti linteg ti kinadalus ti dayaw? Apay a napateg unay daytoy a linteg?

Exodo 20:14 (Biblia, Daan a Tulag)

Dagiti Proverbio 6:27–32 (Biblia, Daan a Tulag)

Tito 2:11–12 (Biblia, Baro a Tulag)

Alma 39:3–5 (Libro ni Mormon, panid 389)

3 Nephi 12:27–30 (Libro ni Mormon, panid 553–554; kitaen met iti Mateo 5:27–30 iti Baro a Tulag)

“Ti Kaamaan: Maysa a Waragawag iti Lubong” (Dagiti misionario wenko ti maysa a miembro ti Simbaan ket makatulungto kenka a manggun-od iti daytoy a dokumento ken ti *True to the Faith* ken ti *Para iti Pigma dagiti Agtutubo*, a nailista iti baba. Masarakam pay dagitoy iti online iti www.mormon.org.)

“Kinadalus ti Dayaw,” *True to the Faith*

Kasano a magun-odko ti pigma a kasapulak nga agtungpal iti linteg ti kinadalus ti dayaw?

1 Taga Corinto 10:13 (Biblia, Baro a Tulag)

Mosiah 4:29–30 (Libro ni Mormon, panid 196–197)

Alma 38:12 (Libro ni Mormon, panid 389)

Para iti Pigma dagiti Agtutubo polieto

Ania ti Nasken nga Aramidek?



- Agtultuloy iti panagbasa iti Libro ni Mormon.

Dagiti maisingasing a basaen: _____

- Agtungpal iti linteg ti kinadalus ti dayaw. Agkararag para iti tulong iti panagtungpal iti daytoy a bilin.

- Makimisa iti daytoy a Domingo.

- Agtultuloy nga agsagana para iti panagbuniag.

Petsa ti panagbuniag: _____

- Bisitaen ti www.mormon.org tapno masursuro ti ad-adu pay maipanggep iti Ti Simbaan ni Jesucristo dagiti Santo iti Ud-udina nga Aldaw.

- Agtultuloy a makipagkita kadagiti misionario tapno makasursuro ti ad-adu pay maipapan iti naisubli nga ebanghelio.

Sumaruno a pannakipagkita: _____

Dagiti nagan ken numero ti telepono dagiti misionario:

TI SIMBAAN NI
JESUCRISTO
 DAGITI SANTO
 ITI UD-UDINA NGA ALDAW

www.mormon.org

Dagiti Pamadayaw iti Ladawan
 Akinsango nga akkub, detalye manipud iti *Hear Ye Him*, ni Simon Dewey. © Simon Dewey
 Parid 6, *The Savior*, ni Del Parson. © Del Parson

© 2012 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 2/06.
 Pannakaanamongna a maipatarus: 2/06. Pannakaipatarus ti Chastity. Ilokano. 01163 864

ILOKANO

4 02011 63864 5
 01163 864